




Informasjon om
konfirmanttida
i Kilsfjord kyrkje



2022/2023

VELKOMEN!

Her finn du informasjon om konfirmantåret.

INFOMØTE:

For å gje dykk naudsynt oversikt over konfirmanttida og høve til å stille spørsmål, inviterar vi konfirmant med ein føresett til informasjonsmøte:

Torsdag 2. juni, kl. 18.00 - 18.45 i Kilsfjord kyrkje.

Påmelding til konfirmantåret 2022/2023 skjer på nett.

Påmeldinga opnar 1.juni kl.19.00.

Lenke til påmeldingsskjema finner du på www.volda.kyrkja.no
(Ta gjerne med data for å registrere konfirmanten etter samlinga)

Konfirmantåret består av 5 delar:

Undervisning, gudsteneste, praktiske oppgåver, konfirmantleir og konfirmasjonen.

UNDERVISNING

Undervisningssamlingane er som regel på torsdagar i Kilsfjord kyrkje. Samlinga startar rett etter

skulen og varer til 16.30. Ei samling inneheld:

- Enkel matservering før sjølve undervisninga
- Song
- Undervisning
- Aktivitetar
- Arbeid i grupper

Konfirmantane får kvar sin bibel og ein konf.logg som skal nyttast i undervisninga. Det er viktig at konfirmantsamlingane vert prioritert. Dersom du skulle bli sjuk eller av andre grunnar ikkje kan møte opp, melder ein ifrå på førehand.

GUDSTENESTER

I løpet av konfirmantåret skal konfirmantane delta på minst ti gudstenester. Fire av desse er

gudstenester der alle konfirmantane tek del:

- Presentasjonsgudsteneste i oktober
- Lysmesse i adventstida
- Samtalegudsteneste på leiren
- Konfirmasjonen i september

I ei gudsteneste skal du hjelpe til med ulike oppgåver saman med smågruppa di. I tillegg skal du gå på fem valgfrie gudstenester. Du vel sjølv kvar og når og i kva kyrkje du vil gå til gudsteneste.

PRAKTISKE OPPGÅVER

Vi ynskjer å inkludere deg som konfirmant i vårt kyrkjelydsarbeid. Alle konfirmantane skal vere med på eit av desse tre oppgåveområda:

Eit trusopplæringsarrangement for born, delta i forsongargruppe knytt til gudsteneste eller vere med å lage til kyrkjekaffi etter gudstenester.

De får velje kva de vil delta på i løpet av den første konfirmantsamlinga.

Trusopplæring. Kyrkja har mange forskjellige arrangement for born i forskjellige aldra i løpet av eit år. Som med medhjelpar på eit trusopplæringsarrangement kan du få oppgåver som å lede ein leik, vere gruppeleder, stå på ein post eller vere med å lage mat.

Forsongargruppe. Du som er glad i å synge, kan bli med i eit minikor saman med eit par andre vaksne. På to gudstenester syng de med på allsongane, og slik støttar de kyrkjelyden i salmesongen.

Kyrkjekaffi etter gudstenesta. To gongar i løpet av året, bakar du ei kake eller ein porsjon bollar og hjelper til å servere på kyrkjekaffien.

KONFIRMASJONSDATOAR

I Kilsfjord feirar vi konfirmasjon i starten av september. I påmeldingsskjemaet kryssar du av kva

tidspunkt du ynskjer å ha konfirmasjonen. Det er avgrensa tal plassar per. gudsteneste, så det gjelder å vere tidleg ute med å melde seg opp. Då er det større sansynlighet til at du får det tidspunktet du ynskjer.

Konfirmasjonsdato for Kilsfjord sokn:

Laurdag 02.september.23, kl. 11 og kl. 13

KONFIRMANTLEIR

Årets store høgdepunkt er konfirmasjonsleiren, på Kjeldsund ungdomssenter i veke 33, august 2023 (siste veka i somarferien).

Kjeldsund er ein fantastisk fin leirplass og vi kjem til å storkose oss med spennande undervisning, uteaktivitetar og sosialt samvær.

I samband med leiren held vi eit foreldre-møte i løpet av våren, her får de meir informasjon.

SEMESTERPLAN

Vedlagt dette brevet vil du finne ein semesterplan for konfirmanttida. Her finn du datoane for undervisninga og andre obligatoriske samlingar.

Ta gjerne kontakt:

Volda kyrkjekontor:

Tlf. kyrkjekontoret 700 74 090

E-post: kyrkjekontoret@volda.kyrkja.no